

Ozon-Duett

Text: Hans Jürg Zingg

Melodie: Volkslied („Ein Loch ist im Eimer ...“)

A cappella-Gesang: Silvia Jost / Hans Jürg Zingg

sie

oooozon i den ouge!
hansheiri, hansheiri!
ozon i der lunge!
was söue mer tue?

er

tue nid so hischterisch
margritli, margritli!
mir wei äntlech fahre,
chumm mach mi nid chrank.

sie

chrank macht mi ds ozon
u dys tumme verdränge:
wi du geng no chasch meine
's syg aus nid so schlimm.

er

schlimm cha's gar, nid sy, wüu
süscht hätt doch d regierig
scho lang öppis gseit, was mer
z mache hei.

sie

hei mach mi nid z lache,
hansheiri, hansheiri:
di **wei** gar nüt mache,
di sy doch wi du!

er

du, 's längt jitz de öppe:
dr chly wird scho gnietig!
mir wei jitz ga bade, chumm
styg äntlech y!

sie

ii spinnsch! bade, schwümme
das chasch doch jitz nümme!
nei, hütt blyben i mit em
chlyne deheim.

er

deheim i der wonig!
isch's dert nid ozonig?
u d goofen yschpere
isch aus wo de weisch?!

sie

weisch **du** bisch e gschyde,
du masch's haut verlyde;
aber lue mau dr chlyn a:
däm schlaat's uf e schnuuf!

er

schnuuf du einischh di luft ir
tschechei u z rumäänie,
de weisch de was schlimm isch u
redscht nümme so blöd!

sie

blöd fing i vor auem
dass mer geng no dä chlapf hei
u dass bi der hitz me no
umefahre tarf!

er

tarf! geit's no?! wär hätt mir ächt
ds fahre z verbiete?
das wär ja verletzig vo
mönscherächt!

sie

vo mönscherächt?! - z furzen i
stinkige blächtrög?
u de ds schnuufe? u ds läbe?
u d fröid vo de chind?

er

chind gottes, mach vorwärts,
i wott itz ga bade
u nid ds wiikend zur sou wäg däm
huerenozon!

sie

oozon i den ouge
ozon i der lunge
o zorn i mym härze
o wuet i mym buuch

(Erstveröffentlichung: Kaktus September 1991)